



05687

春秋滕薛杞越莒邾許七國統表卷之五

蕭山魏翼龍際雲編輯

男玉山校

考證

越鮑與至王翁考



史記句踐卒子王鮑與立索隱曰鮑音石與音餘按
紀年云於粵子句踐卒次鹿郢立六年卒樂資云越

語謂鹿郢為鮑與也 王鮑與卒子王不壽立王不

壽卒子王翁立索隱曰紀年云不壽立十年見殺是

為盲姑次朱勾立 王翁卒子王翳立索隱曰紀年

於粵子朱勾三十四年滅滕三十五年滅邾三十七

春秋七國統表 卷五

年朱勾卒

竹書紀年周貞定王十年於越子鹿郢卒不壽立貞

定王二十年於越子不壽見殺是為盲姑次朱勾立

威烈十一年於越滅滕十二年於越子朱勾滅邾十

四年於越子朱勾卒子翳立

水經注竹書紀年晉烈公四年越子末句滅邾以邾

子鳩歸箋注今本紀年作朱勾

冊府元龜句踐卒子王鮑與立王鮑與卒子王不壽

立王不壽卒子王翁立王翁卒子王翳立

路史注自句踐而下傳無世次按紀年句踐以晉出

見本紀年
王不壽立
王不壽卒
王翁立
王翁卒
王翳立
王翳卒
王鮑與立
王鮑與卒
王不壽立
王不壽卒
王翁立
王翁卒
王翳立
王翳卒

前編亦同與
紀年異又水
經注引紀年
晉烈公四年
滅邾當在威
烈王十年與
今本紀年亦
異

公十年卒鹿郢立是爲顛與六年卒盲姑立是爲不
壽十年卒朱勾立是爲王翁三十七年卒王翳立

仁山通鑑前編周貞定王四年越莪執卒子鹿郢嗣
是爲顛與按旬踐太子左氏作適郢紀年作鹿郢史

記作顛與當以左氏紀年爲正鹿與適語訛爾顛與
必其號猶旬踐之號莪執也 貞定王十年越鹿郢

卒子不壽嗣是爲盲姑貞定王二十年越盲姑卒子
翁嗣是爲朱勾威烈王十四年越朱勾卒子翳嗣

南軒通鑑綱目周貞定王五年越鹿郢元年貞定王
十年越鹿郢卒在位六年子不壽嗣是爲盲姑貞定

春秋七國統表

卷五

二

十一年越不壽元年貞定王二十年越盲姑卒在位
十年子翁嗣是爲朱勾貞定王二十一年越朱勾元

年威烈王十四年越朱勾卒在位三十八年子翳嗣
繹史左傳太子適郢卽顛與也紀年又作鹿郢

考史記越世家均無在位之年紀年自鹿郢至
無疆俱有年可考其史記所載顛與不壽王翁

王翳四世內不壽王翳與紀年世次名目相合
索隱引紀年以鹿郢爲顛與朱勾爲王翁羅氏

路史註亦同仁山前編亦以紀年爲正故越之
世次舉要皆云用紀年史記世家修惟不壽紀

朱勾在位三
十七年八字
疑刊誤

年作見殺前編依史記書卒按紀年載句踐以

史後世次甚詳不壽之見殺似亦可信所有與

年不壽在翁年次今依史記紀年通鑑前編為表

學殺諸咎粵滑吳人立孚錯枝為

定粵亂立初無余之十二年寺

次無顯立無顯八年薨是為

三弑其君子搜患之逃平

艾乘以王與樂資云

也則王之不御無

索隱曰蓋無顯之

春秋七國統表

十一年越不壽

十年子翁嗣是為

年威烈王十四年越

釋史左傳太子適野自

其考史記越世家均無在

無疆俱有年可考其史記

王翳四世內不壽王翳與

不壽王翳年次今對史記

對世次甚詳不壽之見殺似亦可

年作見殺前編依史記書卒按紀年載句踐以

漢魏遺書錄

樂資春秋後

傳引此條索

隱以號曰無

顯繫之王之

侯疑談

朱勾在位三

十七年八字

疑刊談

越王翳至無疆考

漢魏遺書錄
樂資春秋後
傳引此條索
隱以號曰無
顯繫之王之
候疑誤

史記王翳卒子王之侯立索隱曰紀年云翳三十三年遷于吳三十六年七月太子諸咎弑其君翳十月粵殺諸咎粵滑吳人立孚錯枝為君明年大夫寺區定粵亂立初無余之十二年寺區弟思弑其君莽安次無顯立無顯八年薨是為莖蠋卯故莊子云越人三弑其君子搜患之逃乎丹穴不肯出越人薰之以艾乘以王輿樂資云號曰無顯蓋無顯後乃次無疆也則王之侯即無余之也 王之侯卒子王無疆立索隱曰蓋無顯之弟也

春秋七國統表

卷五

四

竹書紀年周安王二十六年七月於越太子諸咎弑其君翳十月越人殺諸咎越滑吳人立孚錯枝為君烈王元年於越大夫寺區定越亂立初無余是為莽安顯王四年於越寺區弟思弑其君莽安次無顯立顯王十二年於越子無顯卒是為莖蠋卯次無疆立冊府元龜王翳卒子王之侯立王之侯卒子王無疆立
大事記解題曰王翳卒子王之侯立王之侯卒子王無疆立索隱曰紀年云翳三十三年遷于吳三十六年七月太子諸咎弑其君翳十月越殺諸咎大夫寺

區定越亂立初無餘之卽王之侯也十二年寺區弟忠殺其君次無顓立無顓八年薨莊子曰越人三殺其君王子搜患之逃于丹穴不肯出越人薰之艾葉乘以王輿樂資云號曰無顓蓋無顓後乃次無疆也路史執焚滅吳而遂霸七世莢蠲卯逃位巖閒寢罕越人薰而出之是爲無顓註卽子搜按紀年王翳立三十六年子諸咎殺之諸枝立是爲孚錯枝一年其大夫寺區定亂立初無余十二年寺區之弟思復弑其君莽而立無顓八年故子搜曰越人三弑其君

莊子讓王篇越人三世弑其君王子搜患之逃乎丹

春秋七國統表

卷五

五

穴而越國無君求王子搜不得越人薰之以艾乘以王輿王子搜援綬登車仰天而呼曰君乎君乎獨不可以舍我乎陸德明釋文王子搜李云王子名淮南子作翳

呂氏春秋貴生篇越人三世殺其君王子搜患之逃乎丹穴越國無君求王子搜而不得從之丹穴王子搜不肯出越人薰之以艾乘之以王輿王子搜援綬登車仰天而呼曰君乎獨不可以舍我乎高誘注王子搜淮南子云越王翳也畢沅云案竹書紀年翳之前惟有不壽見殺次朱勾立卽翳之父也翳爲子所

弑越人殺其子立無余又見弑立無顓是無顓之前
方可云三世殺其君王子搜似非翳也

呂氏春秋審已篇越王授有子四人越王之弟曰豫
欲盡殺之而為之後惡其三人而殺之矣國人不悅

大非上又惡其一人而欲殺之越王未之聽其子恐
必死因國人之欲逐豫圍王宮越王太息曰余不聽

豫之言以罹此難也高誘注越王授句踐五世之孫
畢沅云句踐五世孫則王翳也為太子諸咎所弑見

紀年與此畧相合梁曜北眉子校補云王子搜乃句
踐六世孫無顓非越王翳貴生篇

已校其誤此
蓋失檢也
春秋七國統表 卷五 六

淮南子原道訓越王翳逃山穴越人熏而出之遂不

得已高誘注已止也翳越太子也賢不欲為王逃於
山穴之中越人以火熏而出之故曰遂不得已

在春秋後故不書于經也王翳王對句踐王世之經
抱朴子逸民篇越翳入穴以逃之從其所好莫與易

也三國志虞翻傳註會稽典錄昔越王翳讓位逃於巫
山之穴越人薰而出之斯非太伯之儔耶

吳越春秋王侯自稱為君註以世家考之所謂王侯

自稱為君或者即王之侯也

對王府君葛洪作抱朴子亦云越翳逃山穴與
樂資說異釋史依紀年作越年表不載無顛而
以無顛在位之年併于王之侯其云王子搜未
詳何代蓋闕疑之意又索隱引紀年初無余立
十二年被弑以今本紀年考之僅十一年今依
紀年史記索隱大事記路史為表

春秋七國統表

卷五

八



十二平螺絲以今本錄平錄之第十一平今對
若前外盤關發之意及索劇且錄於後無命立
以無顛在位之年併于王之侯其云王子搜未
樂資說異釋史依紀年作越年表不載無顛而
健王秋孫葛洪與外...

南軒通鑑綱目周威烈王十五年越翳元年

釋史年表周威烈王十五年越王翳元年烈王元年
越王之侯元年顯王十三年越王無疆元年

釋史越世系呂覽有越王授王子搜疑亦一人未詳
何代

尚史越世家王翁薨子王翳卽位註載呂氏春秋王
子搜事淮南子子搜越王翳也

陳逢衡紀年集證統箋云夏之符姑孰備考安王二
十六年越世子諸咎弑其君翳葬之大橫山之下是
時越遷於長干也

春秋七國統表

卷五

七

考史記王翳王之侯均書卒王之侯後亦無無
顯一世紀年無王之侯之名索隱謂無余之卽
王之侯也按紀年翳與初無余皆被弑初無余
後有無顯一君索隱引莊子王子搜逃丹穴事
並引晉樂資之言謂王子搜號無顯大事記亦
載之路史亦以逃位事爲無顯註云無顯卽子
搜索隱又謂無疆蓋無顯之弟是初無余後有
無顯一世索隱與大事記路史俱以紀年爲正
淮南子謂越王翳逃山穴高誘呂覽註陸德明
莊子釋文均依淮南子以子搜爲越王翳虞翻

楚滅越考

史記楚世家
敗齊于徐州
在威王七年
徐廣曰時楚
已滅越而伐
齊也

史記王無疆時越興師北伐齊西伐楚楚威王興兵而伐之大敗越殺王無疆盡取故吳地至浙江北破齊於徐州而越以此散諸族子爭立或爲王或爲君濱於江南海上服朝於楚徐廣曰周顯王之四十六年索隱曰按紀年粵子無疆薨後十年楚伐徐州無楚敗越殺無疆之語是無疆爲無疆之後紀年不得錄也

竹書紀年周顯王三十四年於越子無疆伐楚顯王三十六年楚圍齊于徐州遂伐於越殺無疆

春秋七國統表

卷五

九

漢書古今人表越王無疆註句踐十世爲楚所滅

世族譜句踐率春秋後七世大爲楚所破遂微弱矣

古史楚世家楚威王六年越王無疆伐齊齊宣王使

人說越王勸之伐楚越王從之釋齊伐我我興師伐

之大敗越人殺王無疆盡取故吳地至浙江

册府元龜王無疆伐楚楚威王興兵而伐之大敗越

殺王無疆而越以此散

資治通鑑周顯王三十五年越王無疆伐齊齊王使

人說之以伐齊不如伐楚之利越王遂伐楚楚人大

敗之乘勝盡取吳故地東至于浙江越以此散諸公

族爭立或爲王或爲君濱於海上朝服於楚

大事記周顯王三十五年越王無疆伐楚楚威王大敗越師殺王無疆盡取故吳地至浙江越自此散微通鑑綱目周顯王三十五年楚滅越路史無顛其弟無疆爲楚所破註顯王四十六年楚威滅越盡有其地

文獻通考越元常子句踐傳鮑與不壽翁翳之侯無疆自允常以後凡八傳而越爲楚所滅

史記秦始皇本紀二十五年王翦定荆江南地降越

君置會稽郡又東越列傳閩越王無諸及越東海王

春秋七國統表

卷五

十

搖者其先皆越王句踐之後也秦已并天下皆廢爲君長以其地爲閩中郡

皇極經世周顯王三十五年楚滅越東開地至浙江

秦始皇二十五年秦定越以爲會稽郡

春秋大事表越疆域論句踐五傳至無疆而卒爲楚所滅又列國爵姓及存滅表越獲麟後一百四十七年大爲楚所破遂微弱濱于海上朝服于楚又一百一十二年滅于秦

考紀年楚殺無疆在周顯王三十六年史記索隱謂紀年無楚敗越殺無疆之語與今本紀年

不同按司馬貞紀年不得錄之言則楚殺無疆
在魏哀王二十年之後徐廣及路史註謂在周
顯王四十六年史記楚世家與六國表均不載
楚威王破越事古史載敗越事于楚威六年當
周顯王三十五年皇極經世亦于周顯王三十
五年書楚滅越凍水通鑑東萊大事記紫陽綱
目俱同今依古史經世大事記通鑑爲表至史
記楚敗越之後云盡取故吳地至浙江是越之
故土楚未併之特其公族爭立各君其地爲君
爲王皆朝服于楚地分國小如楚之屬縣不成
爲國故言越以此散後至秦始皇二十五年王
翦降越君置會稽郡又廢無諸及搖等置閩中
郡則越始絕耳大事表謂獲麟後一百四十七
年大爲楚所破卽周顯王三十五年又一百十
二年滅于秦卽秦始皇二十五年降越君置會
稽郡也併錄之以備考

春秋

七國統表

卷五

七

十 周顯王四十六年
十一 周顯王三十五年
十二 周顯王三十五年
十三 周顯王三十五年
十四 周顯王三十五年
十五 周顯王三十五年
十六 周顯王三十五年
十七 周顯王三十五年
十八 周顯王三十五年
十九 周顯王三十五年
二十 周顯王三十五年

越絕書吳越春秋所載句踐以下世次考

吳越春秋年
表諸引統箋
謂鹿郢卽興
夷不揚卽朱
句未知所本

越絕書句踐大霸稱王徙瑯琊都也句踐子與夷時
霸與夷子子翁時霸子翁子不揚時霸不揚子無疆
時霸伐楚威王滅無疆無疆子之侯竊自立爲君長
之侯子尊時君長尊子親失衆楚伐之走南山親以
上至句踐凡八君都瑯琊二百二十四歲無疆以上
霸稱王之侯以下微弱稱君長
吳越春秋句踐太子興夷卽位一年卒子翁翁卒子
不揚不揚卒子無疆疆卒子玉玉卒子尊尊卒子親
自句踐至于親共歷八主皆稱霸積年二百二十四
春秋七國統表

卷五

七

年親衆皆失而去瑯琊徙於吳矣又云尊親失瑯琊
爲楚所滅徐天祐註此與史世家及紀年皆不合若
如世家所載則無疆之死衆散久矣非王親時失衆
亡國也又紀年曰王翳三十三年遷于吳則越之徙
吳已久亦非王親時也
考越絕書與吳越春秋所載句踐以下世次大
畧相同合之史記紀年皆不合越絕書稱無疆
爲楚威王所滅無疆子之侯以下微弱稱君長
吳越春秋不載楚殺無疆事云句踐至親歷八
主稱霸又與越絕書異錄存以俟考

越有芊姓之說考

世本越芊姓也與楚同祖子之佳而以州芊芊姓

國語韋昭註句踐祝融之後允常之子芊姓也鄭語

芊姓夔越世本亦云芊姓也之翁指越語為夏禹之

世族譜外傳曰芊姓歸越是越本楚之別封也或非

夏后之後也芊姓夔越當景瑩之限佳限宵一姓

通鑑外紀或云越祀祝融之後芊姓景

古史越世家註或謂越祝融之後芊姓故史伯告鄭

桓公曰芊姓夔越不足命也史記以越為禹後未知

孰是

春秋七國統表 卷五 三

路史國名記高陽氏後越芊姓古南越按南海桂林

象郡皆是非姒姓之越東南二越諸儒皆一之疎矣

又云讀地書王會解等知所謂百越矣是芊姓之越

也至于會稽之越伯禹之苗又不在是

釋史國語云芊姓夔越當是楚之別封別有一越

考國語有芊姓夔越之語世本以越為芊姓韋

昭註吳語句踐為祝融之後註越語為夏禹之

後蓋兩存其說杜氏世族譜劉氏外紀蘇氏古

史俱以越為少康庶子之封而均附存芊姓之

說皆闕疑也惟路史分姒姓芊姓二越釋史以

國語芊姓夔越爲別有一越諸說不同存以俟考

於諸國歲姓少吳之後周武王封姁與期于
初都計侵徙姁及放陽古語是也此本自紀公以



春秋七國統表

卷五

古

史國語云芊姓夔越皆吳楚之別封
右國語有芊姓夔越之語其末以
後蓋兩存其語相及世於前則又
夔俱以越爲史康康子之封而均
國語芊姓夔越皆吳楚之別封
右國語有芊姓夔越之語其末以

莒始封考

國語曹姓鄒莒又滕薛鄒莒韋昭註莒已姓東夷之國也

漢書地理志莒故國盈姓少昊後

春秋隱二年孔疏引譜作

封莒與於莒與此異

世族譜莒國贏姓少昊之後周武王封茲輿期于莒初都計後徙莒今城陽莒縣是也世本自紀公以下為已姓不知誰賜之姓者十一世茲平公方見春秋水經注莒莒子之國盈姓也少昊後
通鑑外紀莒贏姓少皞之後武王封茲輿期于莒初都計後徙莒

春秋七國統表

卷五

五

鄭樵通志周異姓國莒贏姓少昊之後也周武王封茲輿其於莒今密州莒縣是也世本曰自紀公以下為已姓鄭語曰曹姓鄒莒以為陸終第五子曰安之後未知孰是

路史小昊紀周興置莒後輿期於始都計二世茲不歸莒至紀公復紀姓註世本紀同按聲已戴已皆莒女

春秋分記莒已姓子爵其先出自顓帝之後陸終氏產六子第一子曰樊已姓武王封茲輿期于莒初都計後徙莒春秋世族譜云莒贏姓少昊之後世本自

紀公以下爲己姓不知誰是按莒旣爲陸終苗裔不得爲少昊之後又文公八年傳穆伯奔莒從己氏此爲己姓明矣

文獻通考莒嬴姓子爵國在城陽莒縣今密州出自少昊之後武王封輿期於莒莒夷君無諡而有號自茲輿期十一世至茲丕始見於春秋

諸國統紀莒妣姓國顯帝之後陸終氏產六子一曰樊武王封其裔茲輿期於莒

春秋大全莒嬴姓子爵出自少昊之後武王封茲輿期於莒

春秋七國統表

卷五

六

考世族譜莒嬴姓少昊之後世本自紀公以下爲己姓是莒先嬴姓而後己姓也國語史伯有言近曹姓鄒莒之言又韋昭註莒爲己姓通志分記補圖均兩存其說通志據曹姓有陸終第五子安之說其後一說分記據己姓有陸終第一子樊之後一說其說諸國統紀以爲樊之後又以莒爲妣姓按漢書地理志亦以莒爲少昊後外紀通考諸書多從世族譜今依世族譜爲表

公以下爲己姓是莒先嬴姓而後己姓也國語史伯有言近曹姓鄒莒之言又韋昭註莒爲己姓通志分記補圖均兩存其說通志據曹姓有陸終第五子安之說其後一說分記據己姓有陸終第一子樊之後一說其說諸國統紀以爲樊之後又以莒爲妣姓按漢書地理志亦以莒爲少昊後外紀通考諸書多從世族譜今依世族譜爲表

莒茲平公至郊公狂考

左傳僖二十六年公會莒茲平公盟于向杜預註茲平時君之號莒夷無諡以號爲稱左傳定四年晉文公爲踐土之盟其載書曰莒期杜預註茲平公也

左傳文十八年莒紀公生太子僕又生季佗愛季佗而黜僕僕因國人以弑紀公杜預註紀號也莒夷無諡故有別號

左傳成八年申公巫臣與渠邱公立於池上杜預註渠邱公莒子朱也

春秋七國統表

卷五

七

春秋成十四年莒子朱卒杜預註九年盟于蒲穀梁傳楊士助疏莒子朱者莒渠邱公

左傳襄三十一年莒犁比公生去疾及展輿旣立展輿又廢之展輿弑之乃立去疾奔齊書曰莒人弑其君買朱鉏杜預註犁比莒子密州之號買朱鉏密州之字

左傳昭元年秋齊納去疾展輿奔吳

左傳昭十四年莒著邱公卒郊公不感國人欲立著

邱公之弟庚輿郊公奔齊杜預註庚輿莒共公

左傳昭二十三年莒子庚輿來奔齊人納郊公杜預

註郊公著邱公之子

春秋哀十四年莒子狂卒陸德明釋文狂其廷反

通鑑外紀周匡王四年莒自紀公庶其以下爲己姓

不知誰賜之紀公多行無禮於國愛少子季佗欲黜

太子僕僕因國人弑紀公以其寶奔魯國人立季佗

是爲厲公 目錄周簡王九年莒渠邱公朱薨厲公

孫犁比公密州立景王三年莒犁比公生去疾及展

與十一月展與弑犁比公自立去疾奔齊景王四年

齊納去疾展與奔吳去疾立是爲著邱公景王十七

年莒著邱公薨子郊公狂立十二月郊公奔齊國人

春秋七國統表

卷五

六

立著邱公弟庚與是爲共公敬王元年莒共公奔魯

齊人納郊公敬王三十九年莒郊公狂薨

闕名春秋二十國年表周匡王四年莒紀公庶其弑

子季佗立簡王九年莒子朱卒一名渠邱公黎比公

密州立

皇王大紀周匡王四年莒子生子僕又生季佗愛

季佗而黜僕且多行無禮於國國人弑之諡曰紀公

僕以其寶玉奔魯簡王九年莒子薨諡曰厲公孫密

州嗣又景王十七年莒子薨諡曰著邱公公子狂不

感國人弗順出狂于齊而納庚與敬王元年莒子奔

魯齊人納狂

大事記周敬王三十九年莒郊公狂薨

春秋分記莒子 茲丕公春秋止書莒子及茲丕公

而不著其名謚 紀公名庶其經傳不見嗣立及改

元之年文十八年被弑 厲公名季佗紀公子世族

譜次之渠邱公之上而闕其年今從之 渠邱公名

朱文十八年嗣立明年改元至成十四年卒在位三

十二年 犁比公名密州成十四年嗣立明年改元

至襄三十一年遇弑在位三十五年 展輿密州子

襄三十一年嗣立明年改元出奔吳在位一年 著

秦秋七國統表

卷五

九

邱公名去疾犁比公子三十一年出奔齊昭元年復

入立明年改元至十四年卒在位十三年 郊公著

邱公子昭十四年嗣立數月奔齊 共公名庚輿著

邱公弟昭十四年嗣立明年改元至二十三年奔魯

在位九年 郊公後嗣立未踰年出奔今復入在位

九年 莒子狂狂卒在春秋經終見于續經

林堯叟列國紀年文十八年莒太子僕弑紀公庶其

子季佗立宣元年莒季佗元年成十四年見莒子朱

卒一名渠邱公犁比公密州立襄三十一年犁比公

弑子展輿立昭元年莒展輿元年齊納莒公子去疾

林氏紀年定
哀元年莒俱
紀郊公而不
書年

是為著邱公展與奔吳昭十四年著邱公卒子郊公
立是年奔齊著邱公之弟庚與立是為共公昭二十
三年庚與奔魯齊納郊公定元年莒郊公哀元年莒
郊公

文獻通考莒世次茲丕公紀公庶其厲公季陀渠邱
公朱黎比公密州展與著邱公去疾庚與郊公莒子
任共公 是年卒即獲麟

諸國統紀莒子茲丕公紀公渠邱公黎比公著邱公
共公

春秋大全成十四年莒子朱卒汪氏曰渠邱公即季
春秋七國統表 卷五 三

佗也在位三十二年子密州嗣是為黎比公

帝王姓系譜莒郊公狂著邱公子

馬驪左傳事緯列國年表周匡王四年莒太子僕弒

紀公奔魯季佗立匡王五年渠邱公朱即季佗元年

或曰季佗為厲公簡王九年渠邱公三十二年卒簡

厲公傳渠邱公朱

王十年黎比公密州即買朱鉏元景王三年黎比公

三十五年展與弒君自立去疾奔齊景王四年展與

元年秋齊納去疾展與奔吳景王五年著邱公去疾

元景王十七年著邱公十三年卒冬郊公奔齊庚與
自齊歸立景王十八年共公庚與元敬王元年共公

按馬驥經史
莒世系郊公
莒子任是二
人與左傳事
緯異蓋兩存
其說也

九年秋奔魯齊納郊公敬王二年郊公元年或云卽
莒子狂敬王三十九年郊公三十八年五月莒子狂
卒
凌瑩王朝列國紀年周頃王四年莒弑其君庶其渠
邱公朱立定王十年莒渠邱公十二年卒厲公季佗
立簡王九年莒厲公二十年卒密州立是為犂比公
馮訥生春秋大成文十八年莒太子僕弑紀公庶其
子季佗立成十四年莒子朱卒號渠邱公疑卽季佗
也

春秋四傳列實世次本末莒茲丕公紀公庶其厲公
春秋七國統表 卷五 三

季佗渠邱公朱犂比公密州展輿著邱公去疾庚輿
郊公 莒子任 共公賈

春秋氏族圖莒本支圖茲丕公莒期莒紀公庶其厲
公季佗渠邱公莒子朱黎比公密州賈朱鉏展輿莒
展著邱公去疾庚輿莒共公郊公 莒子狂

尚史莒世家季佗元年魯宣公之元年也二年定王
立其後又有渠邱公季佗之卒渠邱公之立皆莫詳

其年郊公者名任著邱公之子也又年表周景王三
年莒犂比公三十五年子展輿弑犂比公而自立齊
納公子去疾是為著邱公展輿奔吳景王四年莒著

其補也
新吳蓋兩存
人與左傳事
莒子任是二
緯異蓋兩存
其說也

邱公元年景王十七年著邱公十四年卒大夫迎公弟庚與于齊而立之是爲其公太子任奔齊景王十八年莒共公元年敬王元年莒郊公元年共公奔魯齊納太子任是爲郊公敬王三十九年郊公三十九年卒

春秋集義成十四年莒子朱卒朱卽渠邱公季佗也在位三十二年子密州嗣

秦嘉謨世本輯補莒紀公遇弒子季佗立季佗卒渠邱公朱立

考杜預世族譜莒譜已闕春秋分記本世族譜

春秋七國統表

卷五

五

次厲公季佗于渠邱公之上而闕其年是渠邱公之前有厲公季佗應以世族譜爲正外紀紀公弒立季佗是爲厲公又渠邱公朱薨厲公孫密州立是犁比公爲厲公之孫外紀可據闕名二十國年表紀公弒子季佗立林氏列國紀年亦同而于魯宣元年書莒季佗元年與外紀合分記旣闕厲公之年而于渠邱公云文十八年入年嗣立成十四年卒在位三十二年是厲公季佗無在位之年矣春秋莒子朱卒杜預註九年盟于蒲按成七年馬陵之盟亦有莒子在內而杜

註九年盟蒲似馬陵之盟非渠邱公也大紀于莒子朱薨云諡曰厲公孫密州嗣似朱卽厲公矣春秋大全引汪氏說謂渠邱公卽季佗以密州爲渠邱公之子與外紀異凌莒紀渠邱公厲公之年而謂渠邱公在前厲公在後則與春秋經傳異未知何出尚史謂季佗之卒渠邱公之立均莫詳其年闕疑之意也至齊納去疾在展輿弒立之次年故分記稱展輿在位一年林氏紀年亦于魯昭元年書展輿元年尚史繫齊納去疾于前一年不紀展輿之元卽以次年爲著

春秋

七國統表

卷五

三

邱公元年與程氏分記林氏記年異又齊納郊公在共公九年秋出奔之後故分記稱共公在位九年尚史于共公出奔之年卽爲郊公元年亦與分記異又外紀郊公名狂卒于周敬王三十九年大事記亦同分記載郊公復入在位九年莒子狂另是一人文獻通考作莒子任于郊公後次莒子任于莒子任後次共公註是年卒卽獲麟似以莒子任爲共公也四傳列實郊公後次莒子任莒子任後次共公買未知所本尚史謂郊公名任記郊公之年至敬王三十九年

止諸說不同今依外紀分記林氏紀年爲表

子說得篇柱厲叔事莒放公自謂不知已去居海

志夏冬日則食椽栗莒放公有難柱厲

子自以爲不知已故

春秋七國統表

卷五

語



後次莒子任莒子任爲其公也四傳則齊郊

後次莒子任莒子任後次其公買未知所本

土請通不同今始於錄於臨林丑錄爭爲表

莒敖公考

列子說符篇柱厲叔事莒敖公自謂不知己去居海上夏日則食菱芰冬日則食橡栗莒敖公有難柱厲叔辭其友而往死之其友曰子自以爲不知己故去今往死之是知與不知無辨也柱厲叔曰不然自以不知故去今死是果不知我也吾將死之以醜後世之人主不知其臣者也

呂氏春秋恃君覽柱厲叔事莒敖公

高誘注莒子國也敖公諡公君

也自以爲不知而去居於海上夏日則食菱芰冬日

則食橡栗

橡阜斗也其狀似栗

莒敖公有難柱厲叔辭其友而

春秋七國統表

卷五

五

往死之其友曰子自以爲不知故去今又往死之是知與不知無異別也柱厲叔曰不然自以爲不知故去今死而弗往死是果知我也吾將死之以醜後世人主之不知其臣者也所以激君人者之行而厲人主之節也

說苑莒穆公有臣曰朱厲附事穆公不見識焉冬處

於山林食杼栗夏處洲澤食菱藕穆公以難死朱厲

附將往死之其友曰子事君而不見識焉今君難吾

子死之意者其不可乎朱厲附曰始我以爲君不吾

知也今君死而不死是果知我也吾將死之以激

天下不知其臣者遂往死之

通鑑外紀周景王十七年莒郊公奔齊昔柱厲叔事莒敖公自以爲不知而去居於海上夏則食菱芡冬則食橡栗莒敖公有難柱厲叔將往死之其友曰子自以爲不知故去今又死之是知與不知無異別也柱厲叔曰死而弗往是果知我也吾將死之以醜後世人主之不知其臣者所以激君人之行而厲人臣之節也或曰郊公卽敖公或曰非也

考外紀繫柱厲叔死難事于郊公奔齊後以或

曰郊公卽敖公或曰非也兩存其說按外紀所

春秋七國統表

卷五

美

載與列子呂氏春秋俱同說苑載朱厲附死莒穆公難事與列子呂覽名異而事同則莒穆公卽莒敖公朱厲附卽柱厲叔也說苑謂朱厲附以君死而死其難呂覽謂今死而弗往死則郊公止出奔似外紀非敖公之說爲是惟敖公不知當莒之何世外紀目錄郊公奔齊亦敘其事今錄存以俟考

楚滅莒考

史記楚世家楚簡王元年北伐滅莒正義曰言北伐者莒在徐泗之北

竹書紀年周考王十年楚滅莒

墨子非攻中篇東方有莒之國者注今山東莒州其為國甚

小間於大國之間不敬事於大大國亦弗之從而愛利是以東者越人夾削其壤西者齊人兼而有之計

莒之所以亡於齊越之間者以是攻戰也

戰國策莒恃越而滅

漢書地理志莒三十世為楚所滅

春秋七國統表

卷五

七

世族譜莒共公以下微弱不復見四世楚滅之

通鑑外紀周貞定二十四年自越滅吳不能正江淮

北楚東侵廣地至泗上遂滅莒自是上距莒共公四

世矣目錄楚惠王四十四年滅莒

皇王大紀周貞王二十四年楚滅杞東拓地至泗上

遂滅莒

大事記周考王十年楚滅莒以史記年表修

路史莒歷世三十楚簡併之註尸子莒君好巫鬼亡

國

鄭樵通志按史記當楚惠王時越滅吳而不能正江

淮北楚東侵廣地至泗上而滅莒矣

金仁山通鑑前編周考王十年楚滅莒

考史記楚簡王元年滅莒當周考王十年紀年亦同大事記通鑑俱從之外紀謂楚惠王四十四年滅莒當周貞定王二十四年大紀通志俱同墨子又云莒亡于齊越而云齊人兼之是併于齊也按莒為楚滅當以史記楚世家及年表為正今依史記為表

春秋七國統表

卷五

三



Vertical text columns on the left side of the page, including a large '五' character and other faint characters, likely serving as a table of contents or index.

春秋滕薛杞越莒邾許七國統表卷之六

蕭山魏翼龍際雲編輯 男玉山校

考證

邾始封至儀父考

世族譜邾國曹姓顓頊之後有陸終氏產六子其第五子曰晏安邾卽安之後也周武王封其苗裔邾俠爲附庸居邾今魯國鄒縣是也自俠至儀父十二世始見春秋齊桓公伯儀父附從進爵稱子

史記索隱邾曹姓之國陸終氏之子會人之後今魯

國騶縣是也

春秋七國統表 卷六

通鑑外紀邾曹姓武王封陸終第五子安苗裔挾爲

附庸居邾自挾至邾子克儀父十二世始見於春秋

唐書顓頊之後有六終產六子其第五子曰安周武

王克商封其苗裔俠于邾附庸于魯

鄭樵通志顓頊元孫陸終第五子曰安賜姓爲曹其

子孫亦以姓爲氏周武王時封安之苗裔曰邾挾爲

附庸居於邾今兗州仙源東南四十里古邾城是也

挾以下至儀父名字始見春秋又云挾七世孫夷父

顏有功於周夷父字顏公羊謂之顏公子孫因以爲

氏據圈稱陳留風俗傳及葛洪要字皆如此云但謂

春秋隱元年
孔疏引譜第
五子曰安無
晏字又自俠
作自安齊桓
公伯作齊桓
行霸均與此
異

楚世家會人
陸終第四子

國稱漢人撰
陳留風俗傳

顏爲武公然邾自顏六世至文公蘧蔭始有爵諡武公之號未必然也

春秋分記邾曹姓子爵其先出自顓帝之後陸終氏產六子第五子曰晏安周武王克商封晏安苗裔曹俠于邾爲附庸自安至儀父十二世

路史陸終子晏安封曹爲曹姓武王得曹挾復封之朱曰朱婁又國名記朱曹姓子邾也周封挾後遷婁是爲邾婁今濟之任城南二十有邾婁城

文獻通考邾曹姓子爵出自陸終第五子晏安之後武王克商封其苗裔曹俠于邾爲附庸國

春秋七國統表 卷六

諸國統紀邾曹姓國顓帝之後陸終氏第五子晏安武王克商封其苗裔曹俠於邾爲附庸十二世至邾子克入春秋

南軒通鑑綱目武王封祝融安期之裔挾於邾

公羊傳昭三十一年邾婁顏之時邾婁女有爲魯夫人者則未知其爲武公與懿公與孝公幼顏淫九公子於宮中因以納賊則未知其爲魯公子與邾婁公子與臧氏之母養公者也聞有賊以其子易公抱公而逃賊至湊公寢而弑之臣有鮑廣父與梁買子者聞有賊趨而至臧氏之母曰公不死也在是吾以吾

按邾婁各解陸德明禮記

慣弓釋文邾

人呼邾聲曰

婁故曰邾婁

公羊傳隱元

年釋文邾人

語聲後曰婁

故曰邾婁路

史周封挾于

邾後遷婁是爲邾婁也

子易公矣於是負孝公之周愨天子天子爲之誅顏而立叔術反孝公子魯誅顏之時天子死叔術起而致國于夏父何休註叔術邾婁顏公之弟也言叔術本欲讓迫有誅顏天子在爾故天子死則讓陸氏釋文夏父邾顏公之子

尚史顏眞卿家廟碑顓頊之孫祝融祝融孫安爲曹姓其裔邾武公名夷父字顏

釋史邾出自陸終第五子曹姓也周初封俠于邾邾世系邾俠非成車輔將新訾父夷父叔術夏父儀父陳厚耀春秋氏族圖邾顓頊之裔曹姓其先世曰邾春秋七國統表

卷六

三

俠曰非曰成曰車輔曰將新曰訾父曰夷父曰夏父至儀父始入春秋儀父一云邾莊公

山東通志邾曹姓陸終之第五子封於邾從前世系無考自周武王命曹俠仍居邾爲魯附庸俠生非非生成成生車輔車輔生將新將新生訾父訾父生夷父夷父傳弟叔術叔術生夏父夏父生儀父從齊桓公會盟有功因爵以子

考索隱以邾爲陸終氏子會人之後與世族譜異又世族譜外紀均謂自俠至儀父十二世春秋孔疏引譜云自安至儀父十二世春秋分記

亦同應以世族譜爲正釋史載邾世系內夷父
顏叔術夏父世次與公羊相合陳厚耀氏族圖
無叔術一世山東通志俠至儀父十世俱世次
相承計與鄭樵通志邾俠七世孫夷父顏及顏
六世至文公蘧蔭之世數相合惟杜預採世本
作世族譜云俠至儀父十二世志僅十世其中
恐有脫系未載又公羊傳云天子誅顏而立叔
術釋文以夏父爲顏公之子山東通志所載亦
異今依世族譜外紀釋史爲表

春秋七國統表

卷六

四

諸國統紀
邾義父或以爲大夫之名

杜預左傳後序純年文稱魯隱公及邾莊公盟于姑蔑卽春秋所書邾義父

毛西河曰吳之怒邾子亦必有故而傳之失之

邾儀父入春秋至公子何考

左傳隱元年公及邾儀父盟于蔑邾子克也杜預註克儀父名其後儀父服事齊侯以獎王室王命以爲邾子

竹書紀年周平王四十九年己未魯隱公元年魯隱公及邾莊公盟于姑蔑

春秋莊十六年邾子克卒杜預註克儀父名稱子者蓋齊桓請王命以爲諸侯

春秋文十三年邾子蘧蔭卒孔穎達疏蘧蔭邾子瑣之子也

春秋七國統表

卷六

五

左傳哀七年入邾以邾子益來杜預註益邾隱公也

哀八年歸邾子邾子又無道吳囚諸樓臺使諸大夫奉太子革以爲政杜預註革邾太子桓公也 哀

十年邾隱公來奔齊甥也故遂奔齊經文孔疏八年傳云吳囚諸樓臺蓋將歸吳而囚之今言來奔當是

自吳逃而來 哀二十二年邾隱公自齊奔越越人歸之太子革奔越孔疏革爲邾君十餘年矣仍稱爲

太子者承其父歸之下故繫言之 哀二十四年邾子又無道越人執之以歸而立公子何杜預註何太

子革弟

吳越春秋句踐二十六年越王以邾子無道而執以歸立其太子何

大事記周元王三年越人納邾隱公于邾邾桓公奔越元王五年越人執邾子以歸立公子何

通鑑外紀周釐王四年邾子克薨子瑣立惠王十一

年邾子瑣薨子文公蘧蔭立頃王五年邾遷于繹邾

文公薨子定公纘且立簡王十二年邾定公薨子宣

公徑立靈王十六年邾宣公薨子悼公華立景王四

年邾悼公薨莊公穿立敬王十三年邾莊公薨子隱

公益立敬王三十二年魯伐邾入之執邾隱公以歸

春秋七國統表

卷六

六

敬王三十三年魯歸邾隱公公無道吳囚諸樓臺使諸大夫奉太子革爲政敬王三十五年邾隱公奔魯遂奔齊元王四年邾隱公自齊奔越越王歸之太子桓公革奔越元王六年邾隱公無道越人執之以歸而立公子何何亦無道

皇王大紀周釐王四年邾子薨子瑣嗣惠王十一年

邾子薨子蘧蔭嗣頃王五年邾子蘧蔭遷于繹薨諡

曰文公以纘且爲嗣簡王十二年邾子薨諡曰定公

子徑嗣靈王十六年邾子薨諡曰宣公子華嗣

春秋分記邾儀父名克王未賜命以爲諸侯故以字

名其後儀父事齊桓公以獎王室王命爲邾子莊十
十六年卒 邾子瑣邾子克子莊十六年嗣立明年
改元至二十八年卒在位十二年 文公名蘧蔭邾
子瑣子莊二十八年嗣立明年改元至文十三年卒
在位五十二年 定公名矍且文公子文十三年嗣
立明年改元至成十七年卒在位四十年 宣公名
恹定公子成十七年嗣立明年改元至襄十七年卒
在位十八年 悼公名華宣公子襄十八年嗣立明
年改元至昭元年卒在位十五年 莊公名穿悼公
子昭元年嗣立明年改元至定三年卒在位三十四
春秋七國統表 卷六

七

年 隱公名益莊公子定三年嗣立哀七年魯執之
吳人歸之又奔魯奔齊奔越越人歸之三年而又執
之以歸 桓公名革隱公子吳囚隱公而立革是爲
桓公立七年魯哀之十四年獲麟經終二十二年奔
越在位十五年 公子何太子革弟哀二十四年越
人復執隱公而立何何四年左氏之傳終矣

文獻通考邾世次邾儀父克邾子瑣文公蘧蔭定公
矍且宣公恹卓公華莊公穿隱公益姑桓公革公子

何四年獲麟

春秋大全興廢說邾儀父克進爵爲子克後九世桓

按文獻通考
敘事內俱稱
悼公此卓公
疑悼字之誤

公革之二十九年西狩獲麟

帝王姓系譜邾子克邾子瑣克子文公籛除瑣子定公矧文公子宣公慳定公子悼公華宣公子莊公穿悼公子隱公益莊公子桓公革隱公子

南軒通鑑綱目周頌王五年邾文公卒子矧嗣是爲

定公

王朝列國紀年周僖王四年邾莊公卒子瑣立

春秋事緯列國年表周敬王三十三年邾隱公二十年夏魯歸邾子吳執之奉子革爲政敬王三十四年邾子革元年元王三年戊辰邾子革十四年夏隱公

春秋七國統表

卷六

八

奔越越歸之革奔越元王四年邾隱公後元年元王五年隱公後二年夏越執邾子立何

尚史年表周敬王三十三年邾隱公二十年無道吳囚之立太子革是爲桓公敬王三十四年邾桓公元年元王四年邾隱公後元年隱公自齊奔越越復之于邾桓公奔越元王六年隱公又無道越執之立桓公弟何

考邾儀父紀年作邾莊公杜氏春秋後序引之故凌塗列國紀年稱邾莊公卒自儀父至隱公外紀俱有世次春秋分記均父子相承惟分記

以隱公被吳囚之年卽爲桓公元年故云桓公
在位十五年按隱公二十年自魯歸國吳囚之
使奉太子革爲政自應仍紀隱公之年應依馬
氏左傳事緯李氏尚史以次年爲桓公元年又
尚史于越復隱公之年卽書魯隱公後元年按
史記十二諸侯年表凡出奔復國者均于復國
之次年書元應依左傳事緯以次年爲邾隱公
後元年又春秋分記謂何四年左氏之傳終蓋
併隱公被越執立何之年數之也至文獻通考
謂公子何四年獲麟春秋大全謂桓公革之二
十九年獲麟均未詳今依外紀分記左傳事緯
尚史爲表

春秋

七國統表

卷六

九

邾考公穆公考

禮記邾婁考公之喪鄭註考公隱公益之曾孫

賈誼新書楚王欲淫鄒君乃遺之技樂美女四人穆公朝觀而夕畢以妻死事之孤故婦人年弗稱者弗畜節於身而弗衆也王輿不衣皮帛御馬不食禾菽無淫僻之事無驕燕之行食不衆味衣不雜采自刻以廣民親賢以定國親民如子鄒國之治路不拾遺臣下順從若手之投心是故以鄒子之細魯衛不敢輕齊楚不能脅鄒穆公死鄒之百姓若失慈父行哭三月四境之鄰於鄒者士民鄉方而道哭抱手而憂

春秋七國統表

卷六

十

賈誼新書
載此事

行酤家不售其酒屠者罷烈而歸傲童不謳歌春築者不相杵婦女扶珠璣丈夫釋袂軒琴瑟無音期年而後始復故愛出者愛反福往者福來
劉向新序鄒穆公有令食鳧鴈必以糝無得以粟於是倉無糝而求易於民二石粟而得一石糝吏以爲費請以粟食之穆公曰去非汝所知也夫百姓飽牛而耕暴背而耘勤而不惰者豈爲鳥獸哉粟米人之上食奈何其以養鳥且爾知小計不知大會周諺曰囊漏貯中而獨不聞歟夫君者民之父母取倉之粟移之於民此非吾之粟乎鳥苟食鄒之糝不害鄒之

粟也粟之在倉與在民於我何擇鄒民間之皆知私積與公家爲一體也此之謂知富邦

孟子外書爲正篇邾婁繆公問政於孟子曰爲政之道奚先孟子曰省刑罰薄稅歛愛民之政也非是則無所爲政也君其勿信倖臣之言

鄭芷畦廿一史約編穆公改邾爲鄒氣微樂縣公問包少東孟子年譜鄒故邾國穆公改爲鄒周顯王二十三年鄒穆公忿民不救長上孟子以上慢殘下責之

考邾考公鄭註隱公會孫接隱公之子革與何

春秋七國統表

卷六

十一

俱見左傳考公去隱公未遠其何時在位無可稽考故尚史卽敘于公子何三年後至穆公爲鄒之賢君新書新序均載其事其在位之年史傳亦無可考孟子外書邾婁繆公蓋卽穆公也包少東孟子年譜謂穆公改邾爲鄒繫穆公問孟子事于周顯王二十三年今依尚史及包少東孟子年譜爲表

楚滅邾考

趙岐孟子題辭邾本春秋邾子之國至孟子時改曰
鄒矣國近魯後為魯併及言邾為楚所并非魯也
今鄒縣是也

漢書地理志魯國駒縣故邾國曹姓二十九世為楚
所滅

世族譜文公徙于繹桓公以下春秋後八世而楚滅
之

水經注江水下楚宣王滅邾

大事記周顯王二十九年楚滅邾註以水經注修解

春秋七國統表卷六

十一

題曰水經注楚宣王滅邾今附於宣王之末年

鄭樵通志邾自桓公革以下春秋後八世而楚滅之

春秋分記公子柯以下七世而楚滅之

路史朱二十九世滅於楚又國名記騶釋也充之鄒

縣有釋山邾文公遷繹後曰騶註戰國滅于楚劉蒼

騶山記云鄒山即古釋山邾文公所卜鄒國本邾國

魯穆改曰鄒而山從邑變邾城在湖南 或謂鄒即

邾內傳邾伐魯史作騶也註邾鄒本二近而移非改

也邾為魯併而鄒為楚併

文獻通考邾後改曰鄒後為魯所滅

按左傳宣八年吳為邾故
伐魯史記哀八年吳為鄒
伐魯疑即路史所云史作
騶也

楚衰小國
春秋後滅
于楚

釋史邾至戰國改號鄒路史云邾併于魯鄒滅于楚
非一國也未詳孰是

考路史國名記分邾鄒為二于邾曰周封挾後

遷婁于騶曰邾文公遷繹後曰騶按邾文公即

挾之後世路史因文公遷繹後稱為鄒分記國

名則邾與鄒非二國明矣其云邾為魯併鄒為

楚併未詳其說至邾之為鄒趙岐謂至孟子時

改為鄒按國語史伯對鄭桓公曰曹姓鄒莒韋

昭註陸終第五子安為曹姓封于鄒史伯之對

在東遷以前或邾本有鄒之號歟邾之滅趙岐

春秋七國統表 卷六

三

有魯併楚併二說杜預謂桓公以下八世楚滅

之馬端臨云魯滅當以世族譜為正大事記據

水經注記邾滅于周顯王二十九年考史記齊

湣王三十八年鄒魯之君皆稱臣齊湣王四十

八年楚欲圖周周王使武公謂楚相昭子有

怨結兩周以塞鄒魯之心語索隱云鄒魯有禮

之國則是時鄒國尚在可知按齊湣王四十年

當周赧王三十一年楚襄王十八年當周赧王

三十四年是鄒被楚滅蓋在周赧王三十四年

按鄒君弗內
疑即魯仲連
所云是時鄒
君死湣王欲
入弔行天子
禮鄒之群臣
不從不敢入
於鄒也

以後今依史記世族譜為表

聖公事作何休註同小

按聖公此內
莊御世通
所云其時節
君家王欲
入形包天子
成御之舞
不從不致人
九節也

在傳莊五年即黎來來朝名夫...
命為諸侯孔疏卿之上...
弟鄭史徒鄭宋仲子...

小邾子則顏是邾...
邾夷父頗有功於...
黎來始見春秋...

公之孫惠...
杜請言...
左傳...

春秋七國統表 卷六 古

之...
水經...
滑王...
年滑王走...
十八年楚後...
然結兩...
之國則...
滑周...
延餘...

滑王...
年滑王走...
十八年楚後...
然結兩...
之國則...
滑周...
延餘...

延餘...
滑周...
延餘...

鄉公羊作倪
何休註倪小
邾婁之都邑

小邾考

左傳莊五年邾黎來來朝名未王命也杜預註未受
魯命為諸侯孔疏邾之上世出于邾國世本云邾顏
居邾肥徙邾宋仲子註云邾顏別封小子肥於邾為
小邾子則顏是邾君肥始封倪譜云小邾邾俠之後
也夷父顏有功於周其子友別封為附庸居邾曾孫
黎來始見春秋附從齊桓以尊周王命為小邾子穆
公之孫惠公以下春秋後六世而楚滅之世本言肥
杜譜言友當是一人

左傳莊十五年諸侯為宋伐邾杜預註邾附庸屬宋
春秋七國統表 卷六 五

而叛故齊桓為之伐邾
春秋僖七年小邾子來朝杜預註邾黎來始得王命
而來朝也邾之別封故曰小邾
春秋哀七年宋人執小邾子杜預註邾子無道於其
民故稱人以執
世族譜小邾國邾挾之後也夷父顏有功于周其子
友別封為附庸居邾曾孫犁來始見春秋附從齊桓
以尊周室命為小邾子穆公之孫惠公以下春秋後
六世而楚滅之邾犁來邾顏曾孫穆公魁犁來之孫
通鑑外紀邾邾挾之後夷父顏有功于周其子友別

通鑑外紀
邾公羊作倪

封爲附庸居郟曾孫犁來始見春秋附從齊桓公以
尊周室命爲小邾子封公權胤晉桓宣公曾孫
路史朱友以父夷甫顏功封倪三世居騶從齊尊王
是爲小朱子小朱十四世滅於楚註圖稱葛洪云邾
武公字伯顏又國名記小邾曹姓郟之分滕縣是註
晉志蕃縣蕃卽小邾也魯附庸之附邾公之附惠公
鄭樵通志小邾國亦出邾挾之後挾七世孫夷父顏
有功於周其子友別封爲附庸居郟曾孫黎邾始見
春秋附從齊桓以尊周室命爲小邾子自小邾子穆
公之孫惠公以下春秋後六世而楚滅之又郟曹姓

春秋七國統表

卷六

十六

卽小邾也以居郟城又稱郟國今沂州滕縣東南郟
城是也樂史云郟城在承縣或云邾武公封次子于
郟是爲小邾

春秋分記小邾初本郟國黎來佐齊桓公王命爲小
邾子春秋後六世而楚滅之穆公世族譜名魁黎來之孫穆公之孫惠公
文獻通考小邾曹姓子爵出自邾挾之後夷父顏有
功於周周封其子友於郟爲附庸地在東海昌慮縣
東地郟城今衍州齊桓公霸郟君附從進爵爲子始
列諸侯謂之小邾子

林堯叟列國紀年襄七年小邾穆公來朝昭元年小邾穆公二十一年昭十七年小邾穆公來朝

左傳事緯春秋王侯之享年久者小邾穆公五十餘年

尚史小邾世家顏真卿家廟碑邾武公之子友別封邾爲小邾子

包少東孟子年譜周顯王二十九年楚滅小邾

考小邾在春秋雖通好諸侯附從霸主會盟征伐而其君之卒葬不見于經無年可考惟林堯

叟列國紀年于魯昭公元年書穆公二十一年

春秋七國統表

卷六

七

又一本書穆公十三年未知何本爲是穆公不知何年卽位襄七年小邾穆公朝魯計至昭元年已二十七年是所紀十三年及二十一年均疑有誤春秋大全載林氏紀年于昭元年不載小邾穆公之年蓋以所紀穆公之年爲不可據也今故僅記其世次而不列于年表小邾之滅世族譜云惠公以下春秋後六世楚滅之至滅於何時傳記無可考包少東孟子年譜載楚滅小邾于周顯王二十九年姑存之以備考

許始封至許男斯考

左傳隱十一年許太岳之允也杜預註太岳神農之後堯四岳也

左傳隱十一年許莊公奔衛鄭伯使許大夫百里奉許叔以居許東偏杜預註許叔許莊公之弟
春秋桓十五年許叔入于許杜預註許叔莊公弟也
隱十一年鄭使許大夫奉許叔居許東偏鄭莊公既卒乃入居位孔穎達疏鄭莊公以十一年卒許叔今始入者蓋鄭突不使其復忽既得位親仁善鄰存許以德許人冀其爲己之援故此年始得入也

春秋七國統表

卷六

六

春秋僖四年許男新臣卒杜預註未同盟而赴以名春秋襄二十六年許男甯卒于楚孔穎達疏宣十七年許男錫我卒甯卽錫我之子
左傳服虔解誼昭十九年許悼公瘞悼公靈公之子許男買

穀梁傳昭十九年許世子止弑其君買止曰我與夫弑者不立乎其位以與其弟虺范甯註致君位於弟公羊傳昭十九年葬許悼公是君子之赦止也何休註止不得繼父后許男斯代立

漢書地理志潁川郡許縣故國姜姓四岳後大叔所

理志許國文叔所封與此

異

史記鄭公惡

鄭於楚徐廣

曰鄭音許

此許男未知

當何世

封

路史許男爵大叔之封王符云潁川許縣一作鄆

穆天子傳天子飲許男于滄上郭璞註男爵也許國

今許昌縣

竹書紀年幽王十一年申侯魯侯許男鄭子立宜曰

子申

劉炫左傳述義汲冢書紀年云平王奔西申而立伯

盤以為太子與幽王俱死于戲先是申侯魯侯及許

文公立平王于申

鄭樵通志按汲冢紀年曰幽王死申侯魯侯許文公

春秋七國統表卷六

立平王于申

世族譜許國姜姓與齊同祖堯四岳伯夷之後也周

武王封其苗裔文叔於許以為太嶽允今潁川許昌

是也靈公徙葉悼公遷夷一名城父又居析一名白

羽許男斯處容城自文叔至莊公十一世始見春秋

莊公苴人蒞 桓公鄭莊公弟也世本無許叔疑

鄭卽是 穆公新臣 僖公業 昭公錫我 靈公

甯 悼公賈 許男斯 元公成悼公孫

通鑑外紀許姜姓與齊同祖武王封文叔於許以奉

太岳之祀文叔之後曰德男曰伯封曰孝男曰靖男

尤

杜預世族譜
哀世子太子
止按止稱哀
世子亦若申
生稱共世子
賦

按今本春秋
隱十一年孔
疏無莊公以
是年卒之語
分記所引蓋
所見本異也

曰康男曰武公曰文公與父曰莊公弗莊公之後桓
公鄭疑卽許叔也周桓王二十三年許叔入于許惠
王二十一年許穆公新臣薨子僖公業立襄王三十
年許僖公薨子昭公錫我立定王十五年許昭公薨
子靈公甯立靈王二十五年許靈公薨于楚子悼公
買立景王二十二年許悼公瘞飲太子止之藥薨止
奔晉悼公子斯立敬王十六年鄭滅許執許男斯
闕名春秋二十國年表魯隱公十一年見莊公及許
叔立至桓十五年入許卽穆公新臣

林堯叟列國紀年魯桓十五年許叔入于許魯莊元
春秋七國統表

卷六

辛

年許叔入許五年卽魯僖公四年穆公新臣也僖元
年許穆公三十九年僖四年穆公卒僖公業立

春秋分記許姜姓男爵與齊同祖其先出自炎帝裔
孫伯夷爲堯四岳武王封其苗裔文叔于許以續太
岳之祀自文叔至莊公十一世 莊公不詳名出次
及年世族譜名直人弗隱十一年鄭伐許莊公奔衛
杜預註云奔不書兵亂遁逃未知所在孔穎達正義
云以是年卒 穆公名新臣莊弟一名許叔隱十一
年鄭伐許許莊公奔衛鄭使許大夫奉許叔居東偏
桓十五年乃入居位僖四年卒居外十五年入居位

四十二年共五十七年 僖公名業穆公子僖四年

嗣立明年改元至文五年卒在位三十四年 昭公

名錫我僖公子文五年嗣立明年改元至宣十七年

卒在位三十年 靈公名甯昭公子宣十七年嗣立

明年改元至襄二十六年卒在位四十五年 悼公

名買靈公子襄二十六年嗣立明年改元至昭十九

年遇弒在位二十四年 許男名斯悼公子昭十九

年嗣立明年改元至二十年定之六年鄭滅許以許

男斯歸不詳卒也

皇王大紀周定王十五年許男錫我薨諡曰昭公子

春秋七國統表 卷六

甯嗣靈王二十五年許男薨于楚子買嗣

文獻通考許世次穆公新臣僖公業昭公錫我靈公

甯悼公買許男斯元公成二年獲麟

諸國統紀許姜姓國炎帝裔孫伯夷爲堯四岳武王

封其苗裔文叔於許十一世至莊公入春秋莊公穆

公僖公昭公靈公悼公許男斯元公僖四十二夏許

男新臣卒文五冬十月甲申許男業卒昭三十

春王正月庚子許男錫我卒襄二十六秋八月壬午

許男甯卒于楚昭十九夏五月戊辰許世子止弒

其君買哀十三夏許男成卒

按元公于僖
哀十三年卒
註稱二年獲
麟蓋謂卒之
第二年即獲
麟之歲也

按靈四十當
作四十五疑
判脫一字

春秋大全昭十九年許世子止弑其君買汪氏曰悼公在位二十四年世子止之弟斯立是爲元公

南軒通鑑綱目周襄王三十年許僖公卒子錫我嗣

是爲昭公定王十五年許昭公卒靈公嗣靈王二十

五年許靈公卒于楚子悼公嗣景王二十二年許世

子止弑其君買悼公弑止奔晉弟斯立是爲元公敬

王十六年鄭游速帥師滅許以許男斯歸

帝王姓系譜許男爵姜姓出自堯四岳伯夷之後周

武王封其苗裔文叔於許以續太岳之嗣 德男伯

封孝男靖男康男武公文公興父莊公蒞桓公鄭僖

春秋七國統表 卷六

三

公業昭公錫我

僖公

靈公甯

昭公

悼公買

靈公子爲太子止所

鳩

許公斯

悼公

元公成

悼公

子

春秋毛氏傳桓十五年許叔入于許鄭伯入許而不

取其地使許叔居守之今卽君其國矣其曰入者以

叔原在許入之已耳叔非舊君且又非外至故不書

復國

左傳事緯覽左隨筆春秋王侯之享年久者許穆公

五十餘年

春秋氏族圖伯夷之裔曰文叔封于許九世至莊公尚史年表周桓王二十二年許莊公卒弟許叔新臣

入立是爲穆公桓王二十三年許穆公元年

考許始封之君世族譜云文叔漢書地理志云
大叔春秋孔疏引地理志亦云文叔與今本異
又世族譜莊公後有桓公鄭註莊公弟世本無
許叔疑鄭卽是桓公後卽穆公新臣劉恕外紀
亦同按世族譜外紀均以桓公爲許叔桓公爲
莊公之弟在穆公之前譜載分明是許叔之卽
桓公而非穆公明矣又僖四年許男新臣卒杜
註未同盟而赴以名按莊十六年幽之盟有許
男如果穆公卽許叔何以杜註未同盟亦可爲

春秋七國統表

卷六

三

許叔非穆公之證馬氏文獻通考許世次始穆
公新臣不載莊公桓公於許事實內註許叔莊
公之弟亦不以許叔爲穆公惟闕名春秋二十
國年表云魯隱十一年見莊公及許叔立卽穆
公新臣林氏堯叟程氏公說亦均以穆公爲許
叔俱與世族譜異林堯叟列國紀年以桓十五
年許叔入許爲穆公元年程公說春秋分記謂
穆公居外十五年入居位四十二年共五十七
年李氏尚史謂許莊公卒穆公入立次年改元
未知所本按杜預世族譜本之世本應以世族

譜爲正左傳許莊公奔衛鄭卽使許叔居許東偏觀其告許大夫百里奉許叔撫柔此民之言蓋使許叔守偏隅境土爲許之國君至魯桓十五年入許始復居舊都耳春秋書許叔如蕭叔之類穀梁以蕭叔謂微國之君未爵命者許叔亦猶是耳是許叔紀年卽應以莊公出奔之次年爲元年也惟桓公之卒與穆公之立經傳無可考故僅紀許叔立後至入許之年及穆公之卒而已外紀自穆公至許男斯俱父子相承又悼公弒穀梁謂世子止不立與其弟虺何休謂

春秋七國統表

卷六

七

許男斯代立春秋大全據汪氏說謂止之弟斯立卽元公南叔後綱目亦同按世族譜元公爲悼公孫左傳哀元年孔疏云鄭以斯歸殺之凌氏姓系譜元公爲悼公子諸說不同今依世族譜外紀爲表

五

十

許元公考

春秋哀元年楚子陳侯隨侯許男圍蔡杜預註定六年鄭滅許此復見者蓋楚封之孔穎達疏定六年鄭滅許以許男斯歸殺之此時許復見者以許屬楚故疑蓋楚封之世族譜許男斯之後有元公成悼公孫則是楚封近公爲許男也公羊何休註許男者成也前許男斯見滅以歸今成復見者自復穀梁范甯註定六年鄭滅許今復見者自復

闕名春秋二十國年表周敬王十六年鄭滅許以斯歸元公成立

春秋七國統表

卷六

五

通鑑外紀周敬王三十八年許元公成薨子結立元公悼公孫也

皇王大紀周敬王三十八年許男薨子結嗣

林堯叟列國紀年魯定公六年鄭滅許以斯歸元公成立哀元年許元公十年哀十三年元公卒

春秋分記元公名成不詳何年嗣立世族譜悼公孫路史許二十有四世鄭滅之註定六年游吉滅許以許男歸一作斯遽然哀元年許男與楚圍蔡蓋國滅而君在說者以爲復立之非矣

春秋大全哀十三年許男成卒汪氏曰元公也國滅

後楚立之

春秋毛氏傳定六年鄭滅許此乘楚敗而滅之然滅

其師仍不滅其國觀哀元年經書許男可見哀元

年傳許則定六年為鄭所滅今見經以不絕其國也

左傳事緯列國年表周敬王十六年許男斯十九年

鄭滅許以斯歸敬王三十八年許元公成卒

釋史定六年鄭滅許以許男斯歸以後復有元公成

或云楚復封之或云元公即斯也

凌堃列國紀年周敬王十六年鄭滅許以許男斯歸

楚復立成是為元公敬王三十八年許元公二十二

春秋七國統表

卷六

五

年卒

尚史年表周敬王十六年鄭滅許以斯歸許立成是

為元公敬王十七年許元公元年敬王三十八年元

公卒

考許被鄭滅後元公復見於經杜預謂楚封之

何休范甯謂許自復傳註不同後人多本此二

說羅泌謂國滅而君在毛西河謂鄭不滅其國

俱與傳註異闕名二十國年表書元公成立于

被滅之後林堯叟列國紀年于魯哀元年書許

元公十年蓋以斯執之次年為元公元年也分

左傳事緯年
表內許元公
不記年

記謂元公不知何年嗣立不記元公之年按楚封自復二說史傳均無可考而論許之立國以杜註楚封之說爲正第不知其封于何年耳考史記十二諸侯年表陳惠公蔡平侯爲楚復封均書元于陳蔡滅之次年則許元公卽越數年受封亦應以許滅之次年爲元年也今依杜註及林氏列國紀年爲表

春秋七國統表

卷六

毛

又林氏低國統表爲表

受禮亦應以情知之然公孫志本於林氏

此書元于陳蔡滅之次年則指元公卽越數年

與諸十二諸侯年表陳惠公蔡平侯爲楚復封

此按欲往之公孫志本於林氏

後自於二書與低國統表而論皆之立國以

據謂元公不知何年嗣立不記元公之年按楚

楚滅許考

韓非子許恃荆而不聽魏荆攻宋而魏滅許

漢書地理志許二十四世為楚所滅

世族譜元公子結元年獲麟之歲也當戰國首結為

楚所滅矣

春秋隱十一年孔疏引譜作戰國初楚滅之

春秋分記元公子結元年春秋經終後二十四世楚

滅之

鄭樵通志許至戰國時為楚所滅

帝王姓系譜許公結元公子為鄭所滅

廿一史約編許文叔至公結凡十八君年數未詳鄭

春秋七國統表

卷六

庚

滅之

考許之亡韓非子云魏滅姓系譜云鄭滅世族

譜云戰國首結為楚滅分記云春秋經終後二

十四世為楚滅按杜預世族譜本之世本今依

世族譜為表至許之世數地理志謂二十四世

世族譜謂文叔至莊公十一世外紀載文叔至

莊公九君陳厚耀氏族圖謂九世至莊公蓋依

外紀所載之君數之又桓公鄭至公結亦九君

故鄭芷畦謂十八君也合之地理志與世族譜

各不相符錄存以俟考

卷六終

